



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

XII. Die von Blankenburg und von Clützwow auf Wolfshagen verpflichten sich dem Bischofe von Schwerin und den Herzogen von Mecklenburg, im Jahre 1393.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

XII. Die von Blankenburg und von Ellhöw auf Wulveshagen verpflichten sich dem Bischofe von Schwerin und den Herzogen von Mecklenburg, im Jahre 1393.

Wy Hasse, Albrecht vnde Frederic brudere, geheten von Blankenburg, Hermen von Blankenburg, Hans vnde Zyuert brudere, geheten Clutzowen, alle alze wi buzeten zint vnde deyl hebben an dem slothe to dem wulueshagen, wi alle myd vnzen eruen, dun witlich openbare vnde buthugen vor allen Cristen luden, de desen bref zeen vnde horen lezen, dat wi vnde vnze rechte eruen hebben gelauet vnde lauen vnde vorbreuen den durlustigen foriten Johan, Rodeleph, biseop to Zwerin, Vlrike vnde Albrechte, broderen, hertogen to Mekelnburg vnde eren rechten eruen vnde den duchtigen luden erem rade, alze Gherde von Bertecow, Henning Rybe, Achim Warburg, Werner Iwertfone, Bernt Lubberstorpe vnde vort al erem rade meynligen, eren mannen, stedern vnde landen ene gantze stede zune vmme alle twydracht vnde schelinge, de de hern vorbenumet to vns hebben vnde wi to en vnde to eren mannen, stedern vnde landen, dat wy nummer scholen vnde willen vnde al de ghenen, de dorch vnfen willen dun vnde laten willen, der vorbenomeden hern tzo Mekelnburg, erer man, stedern vnde lande vygende werden oder er arch weten, zunder vnze eruehern den margreuen, vph de den heren to Mekelnburg vygent wurden vnde en vntzeghden openbarliken, alzich dat vtwitzt, dar scholen wi mede denne neten vnde vntgelden, odir de heren to Mekelnburg vnzen heren dem margreuen vntzegheden. Wer ok dat wi Blankenburge vnde Clutzowen vornomet mid vnzen eruen vorkosten den wulueshagen vorbenomet vnde togen wonen vnder enen andern heren, dar wi hufsetende denne weren, dar wi rok hadden vnde witlich wer, datz wy dar wonden, so schole wi ok vnde willen nummer deser heren vorbenomet, erer man, stedern vnde lant vyent werden, zunder den heren, dar wi huffitende fin in sinem lande; vft de den heren to Mekelnburg vntzeyde, vnde ere vyent wurde oder de hern to Mekelnburg dem hern entzeydn, dar wil wy denne mede neten vnde vntgelden. Ok schole wi vnde willen alle vorbenumet mid vnzen eruen nummer hir vp zaken vmme allen schaden vnd geschicht, de schen is vor deme Wulueshagen vp de heren von Mekelnburg vnde ere eruen, man, stede vnde lant to ewiger tid. Alle desse stücke vnd artikele to zomende vnde en islich by zich lauen wy vorbenumet Hasse, Albrecht, Frederic vnde Hermen, geheten Blankenburg, Hans vnde Ziuert, geheten Clutzowen, alle mid vnzen rechten eruen den vorbenomeden heren Johan, Rodeleph, Vlrich, Albrecht, hertogen to Mekelnburg, stede vnde vast to holdende an guden truwen mid ener zomeden hant zunder ienigerleye argelift, vnde hebben des to tuge mid witscap vnde vnsem guden willen vnze ingezegel gehengen laten vor dessen bref, de gegeuen vnde screuen is vor dem Wulueshagen, in den iaren vnfes heren duzent iar drehundert iar in dem dre vnde negententigesten iare des zondoges vor sunte Johannis baptisten daghe.

Nach dem im Großherz. Mecklenburg. Geheimen und Haupt-Archive zu Schwerin befindlichen Original.